



Na osnovu člana 2.9 stav (1) tačka 8. Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), člana 9. Odluke o realizaciji višegodišnjeg projekta uvođenja specifičnih izbornih tehnologija u izborni proces u Bosni i Hercegovini, broj: 05-1-02-2-710-1/25 od 30. 07. 2025. godine, Ugovora o nabavci sistema za biometrijsku identifikaciju birača i skeniranje glasačkih listića na biračkim mjestima od 18. 05. 2026. godine, člana 3. stav (1) i člana 15. Odluke o uspostavljanju privremene Jedinice za implementaciju projekta uvođenja specifičnih izbornih tehnologija u izborni proces u Bosni i Hercegovini, broj: 07-2-34-2-852-1/26 od 21. 05. 2026. godine, i člana 18. Poslovnika Centralne izborne komisije Bosne i Hercegovine ("Službeni glasnik BiH", br. 32/23 – Prečišćeni tekst), Centralna izborna komisija Bosne i Hercegovine na 44. sjednici, održanoj 23.07.2026. godine, donosi

ODLUKU

o dopuni Odluke o uspostavljanju privremene Jedinice za implementaciju projekta uvođenja specifičnih izbornih tehnologija u izborni proces u Bosni i Hercegovini

Član 1.

U Odluci o uspostavljanju privremene Jedinice za implementaciju projekta uvođenja specifičnih izbornih tehnologija u izborni proces u Bosni i Hercegovini (broj: 07-2-34-2-852-1/26 od 21. 05. 2026. godine):

- u članu 3. stav (1) iza tačke k) dodaje se nova tačka l) koja glasi:

"l) Koordinator za poslove iz nadležnosti Agencije za identifikacione dokumente, evidenciju i razmjenu podataka Bosne i Hercegovine"

Član 2.

- Iza člana 15. dodaje se novi član 15a koji glasi:

"Član 15a

(Poslovi koordinatora za poslove iz nadležnosti Agencije za identifikacione dokumente, evidenciju i razmjenu podataka Bosne i Hercegovine)

Koordinator za poslove iz nadležnosti Agencije za identifikacione dokumente, evidenciju i razmjenu podataka Bosne i Hercegovine naročito:

- učestvuje u definiranju tehničkih rješenja s dobavljačem sistema novih tehnologija za CIK BiH;
- učestvuje u pripremi i izradi normativnih rješenja za uvođenje specifičnih izbornih tehnologija u izborni proces;
- koordinira dizajn, implementaciju i održavanje REST API-ja za razmjenu podataka;
- prati implementaciju autentifikacije i autorizacije;
- učestvuje u procesu konfiguracije i implementacije sigurnosne zaštite komunikacije;
- koordinira razvoj modula za kriptografsko generiranje podataka;
- koordinira razvoj, integraciju i održavanje modula za konverziju biometrijskih podataka;
- učestvuje u procesu optimizacije i validacije podataka;
- učestvuje u izradi tehničke dokumentacije;
- učestvuje u drugim tehničkim aktivnostima u okviru jačanja kapaciteta IDDEEA-e i CIK-a BiH za izborne procese.”

Član 3.

Ova Odluka stupa na snagu danom donošenja, a bit će objavljena u “Službenom glasniku BiH” i na internet-stranici Centralne izborne komisije BiH www.izbori.ba.

Broj: 05-1-34-2-852-97/26

Sarajevo, 23.07.2026. godine

Dostaviti:

- Imenovanom
- Sektoru za finansijske i opće poslove
- a/a

